

QVÆSTIO MEDICA,  
CARDINALITIIS DISPUTATIONIBVS MANE DISCVTIENDA IN  
SCHOLIS MEDICORVM DIE IOVIS XX. MARTII, MAGISTRO GEORGIO ARBAVL  
DOCTORE MEDICO MODERATORE.

669

*Solutio castratio elephantiasim?*

**M**ORBORVM vt naturarum essentia multiplex est, nec vna item sanitas. Morbus est sanitati contrarius, quippe hæc in mediocritate, ille suam in excessu habens: vtrumque tamen quietis rationem sortitur. Neminem sanat sanitas; neminem quilibet non lædit morbus, occultis aliis, vt maligni omnes; viribus aliis manifestis, vt cæteri. Primis alexipharmaca, secundis alterantia medentur. Omnes sæpe contrario, interdum simili percurantur. Morborum omnium principia & causæ sunt in vno & eodem, vt in vno & eodem repetenda. Hinc sanguis & postgeniti. Illi vel feminis à toto corpore effluentis, vel sanguinis materni, qui virili crassior est, vicio in nobis sæpe nondum natis suscitantur: hi Plethoræ vel Cacochymix (quæ antecedentes quidem & proximæ morborum causæ, at continentes nunquam esse possunt) soboles sunt.

**O**NGENITI, Medici operam frustra sæpe implorantes, illudentes, postgenitis eiusdem modò generis, modò contrarij æque sæpe sunt. Hinc si iecur paulò calidius & ficius naturâ fuerit, febres cuiusque generis, phrenitidem venæ sectionem respicientem, erysipelata suppurationis nescia concitabit: Si torridum, atræ bili quolibet anni tempore, sed autumnò potissimum, temperato licet, ætateque declinante congerenda aptum; aut in parte cancerum calidum, frigidum, varices virorum & generandi impotentium proprias, & hæmorrhoidas; aut in toto colorem liuidum, icterumque nigrum, pforam, lepram, leucem, elephantiasim germinabit, rauca voce, refimis naribus, labris prætumidis, ficiis, vlcerosi, horrendo vultu, retortis auribus, corpore squallido, fisso & aspero dignoscendam.

**E**LEPHANTIASIM ista quantumuis prodant, satis tamen haud finiunt. Qui vires in folijs venit ab radicibus humor. Non illa cancer totius corporis, nec solius cutis affectus est; sed calida sicca iecoris intemperies, quæ malignus humor atrabilarius haud vulgari putredinis & caloris gradu præditus in dies gignitur & succrescit in corpore, cuius demum totam substantiam labefactat & corrumpit. Principijs obstita largâ & frequenti detractione sanguinis, crebris vomitionibus, purgationibus elleborinis, indefesso refrigerantium & humectantium vsu, lactis atque eius potissimum seri, repentis aquæ balnei; nonnunquam interpositis quæ occultâ qualitate cum veneno pugnant, theriacâ, vino viperino, viperinâ carne ipsâ. Serò nimis frustra per hæc tanto malo Medicina parabitur: quibus si non cedat, sola nec irrita morbo radicibus euellendo præstabit castratio.

**N**IMVERO quarum influxu partium vita, robor, calor, temperies toti accedunt corpori; hæc si à nativâ crasi desciscant, prauè aut nihil influant, deficiantve, desolatum sit illico morbi instantis mancipium, aut temperaturæ laudabilis, illegitimæve in aliam, an non & in contrariam? mutatio inducitur. Hepar si sanguinem quantitate, qualitate laudabilem; cor calorem, spiritus vitales; si animales cerebrum non denegent, haud dubia consecutura est omniumque actionum integritas: si contra, hinc atrophia, leucophlegmatia, tabes, paralytis, mors denique ipsa consequetur: Ita & maximam ad totius conseruationem, mutationemque testes vim sortiti sunt: quorum, est si tanta quanta reliquarum partium principum non sit necessitas, nobilitas tamen solo sine æstimanda longè maior.

**O**MO vt fecunditatem, sic virilitatem, suæque formæ gratiam habet à testibus: qui si execti sunt, si extracti, si extrahi non possunt; contusi, elisi, elisi factus, præterquam quod istorum nihil retinet, in insignem totius habitus sensum collabitur, venæ gracilescent, sanguis pallefcit, pulsus paruus mollisque redditur, pili deficiunt aut concidunt, cito canities accedit, pinguescit corpus & seipso maius efficitur, pedes deprauantur, vox acuitur, vini adeft appetentia, venus licet experita, & vereturi quandoque arrectione tentata frustra sine seminio excolitur; ipsius demum hepatis ac totius deinceps corporis calida & sicca temperies virorum propria, in frigidam & humidam, quæ mulierum est, commutatur: quæ vt à podagrâ, caluitio, Eunuchum tuetur; sic & ab Elephantico, hæreditario, imminenti ac genero affectu liberat.

*Ergo soluit castratio elephantiasim.* 116



Proponebat Lutetiæ FRANCISCVS FOVQVE Damfrontensis, Anno Domini M.DC. XXV.